

1.9.2009

Sámediggi lágida konfereanssa sámenuoraid birra: Nuorat! Gii din áššiin mearrida? Nuoret! Kuka asioistanne päättää?

Sámedikki lágidan nuoraidkonfereansa 16.- 17.10.2009 čohkke oktii nuoraid, mearrádusdahkkiid ja sierra surggiid doaibmiid ságastallat sámenuoraid dilis. Dasa lassin konfereanssas ságastallet sámenuoraid deaivan hástalusain ja vejolašvuodain sámeservodagas ja dálá Suomas. Konfereanssa áigge gullatge sáhkavuoruid, mat bohciidit jurdagiid. Konfereanssa temán lea **Nuorat! Gii din áššiin mearrida?** Dárkkuhussan lea duvdit sámenuoraid oassálastit sin iežaset guoski áššiid ovddideapmái.

Konfereansa lágiduvvo guovtti beaivve áigge. Bearjadaga golggotmánu 16. beaivvi konfereansa lea buohkaide rabas ja nuvttá. Dilálašvuolta lea dárkkuhuvvon sámenuoraide, mearrádusdahkkiide, Sámedikki lahtuide, virgeoapmahaččaide, servviid ovddasteaddjiide, dutkiide ja buohkaide daidda, geat leat beroštuvvan áššis. Dilálašvuodas gullat sáhkavuoruid sierra geahččanguovlluin. Konfereanssa nubbi beaivi lea dárkkuhuvvon sámenuoraide. Lávvardaga golggotmánu 17. beaivvi konferensii sáhttet oassálastit 20 vuosttažettiin iežaset almmuhan sámenuora. Oassálastit galget leat 18-29 -jáhásáčat. Oassálastiid sávvat boahit miehtá Suoma ja goasttidit sidjiide idjademiid ja borramuša. Nuorat oassálastet bearjadaga golggotmánu 16. beaivvi buohkaide rabas dilálašvuhtii ja lávvardaga 17. beaivvi bargobájiide.

Konfereansa lea oassi Sámedikki Nuoraidlávdegoddi-prošeavtta, man ulbmilin lea buoridit sámenuoraid oassálastin- ja váikkuhanvejolašvuodaid. Váikkuhanvejolašvuodaid lasihemiin dorjojuvvo nuoraid eaktodáhtolaš doaibman ja nannejuvvo nuoraid oassálastin sámiiid iešhálddašeami ollašuhhtimis. Prošeavtta ulbmilin lea ásahit Sámedikki vuollai nuoraidlávdegotti ja nuoraidáššiidčáli. Dáin doaibmabijuin geahččalit lámhit sámenuoraide vejolašvuoda váikkuhit ja oassálastit mearrádusaid dahkamii sihke nannet sin sápmelaš kulturduogáža ja identitehta.

Prošeavtta ollašuhhtima pláne Sámedikki nammadan bargojovku, masa gullet guhtta nuora. Dasa lassin bargojovkku doaibmamis lea fárus oahpahasministeriija nammadan áššedovdilahttu. Prošeavttas lea maiddái prošeaktabargi. Bargojovku válmmaštallá Sámediggái evttohusa nuoraidlávdegotti ráhkadusas, válljemis ja doaibmama sisdoalus. Nuoraidlávdegotti vuodđudeapmi nanne sámenuoraid vejolašvuodaid váikkuhit sin iežaset guoski áššiide ja dan bokte vuoigatvuodaid ovddideapmái, maiguin suodjalit ja ovddidit sin iežaset kulturárbbi.

Lassedieđut ja almmuhanrávvagat čujuhusas www.samediggi.fi

Lassedieđuid: Prošeaktabargi Anne Länsman,
anne.lansman@samediggi.fi
tel. 010 83 93 134